

## Ayacucho - Warmikuna Qellqapa - Wives Scriptures

- Efesios 5:22-24 Imaynam Señorninchikta kasukunchik, chaynatayá casada warmikunaqa qosaykichikta kasukuychik. 23 Qosaqa warmipa umanmi, chaynataqmi Cristopas llapallan iñiqkunapa uman, iñiqkunaqa Cristopa cuerpon hinam, payñataqmi salvaqninku. 24 Imaynam iñiqkuna Cristota kasukunku, chaynam casada warmikunapas tukuy imapi qosankuta kasukunanku.
- Efesios 5:31,33 31Chayraykum: Qariqa tayta-mamanta saqespan warminmanña hukllawakunqa, chaymi iskayninku huk runa hinallaña kanqaku. 33 Chaynaqa, kikikichikta hinayá warmikichiktapas sapakama kuyaychik, warmiñataqyá qosanta kasukuchun.
- 1 Corintios 7:3 Qosaqa imam deberrintam warminwan cumplan, chaynataqmi warmipas imam deberrintam qosanwan cumplan.
- 1 Corintios 7:34 Casada warmiqa manam soltera warmi hinachu, soltera warmiqa Señorpa kaqninkunapim ocupakun cuerponpiwan espiritunpi Diospaq sapaqchasqa kananpaq. Casada warmiñataqmi ocupakun kay pachapi kaqkunamanta chaynapi qosanta agradananpaq.
- Colosenses 3:18 Casada warmikuna, Señorman iñisqaykichikraykuyá qosaykichikta kasukuychik.
- 1 Timoteo 2:11-15 Warmikunaqa yachachikuyta upallalla uyarichunku, tukuy imapi kasukuspa. 12 Warmitaqa manam munanichu huñunakuykunapi yachachinantaqa, nitaq qaripi munaychakunantapas, aswanqa upallallayá uyarichun. 13 Puntataqa Adantam Dios unancharqa, chaymantañam Evataqa. 14 Maqta uruqa manam Adantachu engañarurqa, aswanqa Evatam, chaynapim Evaqa huchallikururqa. 15 Chaymi warmiqa wachakuspa hinaspa wawankunata allinta uywaspa, iñiyinpi takyaspa kuyakuq kaspaspa hinaspa chuyanchakuspan salvakunqa.
- Génesis 3:16 Warmitañataqmi nirqa: Wiksayakuptikim nanaynikikunata mirachisaq, llumpay nanaywanmi wachakunki. Munakuynikim qosaykipaq kanqa, payñataqmi qampi munaychakunqa, nispa.
- 1 Pedro 3:1,2 Warmikuna, qamkunapas qosaykichiktayá kasuychik, chaynapim Diospa palabranpi mana iñiq qosakunapas mana rimapayachkasqalla allin kawsasqaykichikta qawaspa iñikunqaku. 2 Respetowan allin kawsasqaykichikta qawaspankum iñikunqaku.
- Tito 2:1-5 Qamqa cheqap yachachikuymán hinayá yachachiy. 2 Mayor señorkunaqa kananku: Allin yachayniyuqmi, respetachikuqmi, allin yuyaymanayniyuqmi, allin iñiyiniyuqmi, kuyakuyniyuqmi hinaspa pacienciakuqmi. 3 Chaynallataq mayor señorakunapas, allin kawsakuyta yachachunku, amayá cuento qepichu kachunku, nitaq tomaymanqa qokuruchunkuchu, aswanqa allin ejemplayá kachunku. 4 Sipas warmikunatayá yachachichunku imaynam qosanku kuyayta, wawanku kuyayta, 5 allin yuyaymanayniyuq kayta, chuya sonqo kayta, wasinkupi imapas allin ruwakuyta, allin runa kayta hinaspa qosanku kasukuyta, chaynapi ama pipas Diospa palabranpa contranpi rimanankupaq.

Proverbios 12:4 Allin warmiqa qosanpa coronanmi, mana allin warmim ichaqa qosanpaqpas tullu nanaynin.

Proverbios 14:1 Yachayniyuq warmiqa wasintam takyachin, mana yachayniyuq warmim ichaqa makinkunawan tuñichin.

Proverbios 19:13 Mana yachayniyuq warmiqa taytantam llakichin, piñanakuyllata kuyaq warmiñataqmi parapi sutuq wasi hina.

Proverbios 21:9,19 Peleollapi puriq warmiwan hatun wasipi yachanamantaqa, altos kuchupi yachakuymi aswan allinqa. 19 Rabiosa warmiwan yachaymantaqa chunniqpi yachakuymi aswan allinqa.

Proverbios 25:24 Mana allin warmiwan hatun wasipi yachaymantaqa altospa kuchunpi yachaymi aswan allinqa.

Proverbios 27:15,16 Peleollata kuyaq warmiqa para tiempopi sutukuq wasi hinam, 16 chayna warmita upallachiyqa wayrata harkay hinam otaq aceiteta makiwan putqokuy hinam.

Proverbios 31:10-31 Allin warmiqa sasa tarinam, alhaja rumimantapas aswan valorniyuqmi. 11 Chayna warmipiqa qosanpas tukuy sonqonwanmi confiakun, manam imanpas pisinqachu. 12 Payqa kawsanan punchawkamam allinllata ruwaspan qosanta kusichinqa. 13 Chayna warmiqa millwatawan linota maskaspanmi kusikuylawanña tukuy imata ruwan. 14 Payqa negociantepa barcon hinaraqmi mikuytapas karumantaraq apamun. 15 Tutarraq hatarispanmi wawankunamanwan criadankunaman mikuchin. 16 Allinta qawaykuspanmi chakratapas rantin, hinaspan ganakusqan qollqewan uvasta plantan. 17 Weqawninta sumaqta watakuykuspanmi ganasllawanña llamkan. 18 Negocio ruwasqantam allinta nanachikun, sinchi tutakamam llamkanpas. 19 Huknin makinwanmi kallapanta hapiykun hukninwanñataqmi puchkatilluta tinkan. 20 Wakchakunamanwan mana piniyuqkunamanmi imallantapas qoykun. 21 Ritimuptinpas ayllunmantaqa manam llakikunchu, ayllunkunaqa rakta pachayuq kasqanrayku. 22 Payqa llikllakunatam awan, pachankunapas fino telamantam. 23 Qosanpas llaqtapa punkunkunapiqa ancha reqsisqam, llaqtapa ancianonkunawan kuskam tiyanpas. 24 Chayna warmiqa pachakunata siraspanmi rantikun, chumpikunata awaruspanmi negociantekunaman rantikun. 25 Kallpawan chaynataq respetasqa kaywanmi pachallikun, payqa hamuq punchawkunamantapas asikunmi. 26 Payqa yachaywanmi imatapas riman, ancha kuyakuywantaqmi yachachimpas. 27 Ayllunkuna imaynam kawsasqantam sumaqta qawan, mana llamkayninpa chanintaqa manam mikunchu. 28 Wawankunapas hatarispankunam jancha kusikuyniyuq! nispa sutichanku, qosanpas alabaspam nin: 29 Allin warmikunaqa achkallañam, qanmi ichaqa llapallanta masyarunki, nispa. 30 Kuyayllapaq kaywan buenamoza kayqa tukuruqlam, Tayta Diosta respetaq warmim ichaqa alabasqa kanqa. 31 Tukuy ima ruwasqantayá lliw runa yachachun, llaqtapa punkunkunapiyá ruwayninkunamanta alabachunku.